

FRANCESC BOYA ALÓS, portavotz deth Grop Unitat d'Aran en Conselh Generau d'Aran ara empara de çò que dispause er art. 97.3 en relacion damb er art. 91.4 deth Reiau Decret 2568/86 de 28 de noveme, Reglament d'Organizacion e Foncionament de Regim Juridic des Entitats Locaus, sosmet ara consideracion deth Plen, entath sòn debat e aprobacion, se s'escatz, era següenta

Mocion de supòrt ath collectiu de treballadors des Paradors de Vielha e Arties

Es "Paradores" an estat en Aran un referent de primèr orde per çò que hè ath desenvolopament toristic e economic deth nòste territòri que se remonte a mès de quate decades endarrèr.

Atau madeish aguesti centres son un element de dinamizacion social plan important entà Aran en tot mantier ua plantilha de treballadors establa de personas que viuen pendent tot er an en Aran.


Eth 28/11/2012 eth govèrn der Estat anonciave un ERE ena empresa publica "Paradores" que comportarà era reduccion d'un 14% dera sua plantilha, causa que supòse era extincion de 644 lòcs de trabalh en tota Espanha. Ath delà, segontes hònts sindicais ad aguesta mesura s'i higerien reduccions de jornada, causa que provocarie eth barrament de sèt paradors, des novanta quate que conformen er hilat.

Atau madeish, aguesta mocion prepausa ua moratòria enes pagaments qu'era empresa Paradores amie a tèrme ath Ministèri d'Isenda en concèpte de cànon per emplec des edificis a on se placen aguesti paradors, en tot paliar atau ua part deth deficit d'exploitacion existent.

Ei per'mor d'aguesta rasons eth grop d'UA-PM-PSC en Conselh Generau d'Aran propòse ath Plen era adopcion des acòrds que seguissen:

1. Manifestar era nòsta solidaritat e eth nòste supòrt ath collectiu de treballadors des Paradors de Vielha e Arties afectadi per aguesta decision e d'auti professionaus que patiràn tanben aguesta decision.

2. Regretar qu'er Estat Espahòl e era companhia "Paradores" agen prenut era decision de redusir era plantilha d'aguesta empresa pr'amor qu'açò supòse méter en risc es lòcs de trabalh qu'a en Aran en un moment d'extrèma dificultat, autant tàs familhes afectades, coma tara economia en generau, ath delà provòque un damnatge fòrça grèu as pòbles de Vielha e Arties.
3. Instar ath govèrn der Estat a adoptar es mesures de besonh entà instaurar ua moratòria en canon per emplec deth patrimòni utilizat pera empresa Paradores.
4. Demandar ath govèrn der Estat e ara companhia "Paradores" eth replantejament d'aguesta decision en tot garantir aguesti lòcs de trabalh.
5. Eth Conselh Generau d'Aran manifèste eth sòn supòrt as treballadors des Paradors de Vielha e Arties en tot comprometer-se a mediar damb es administracions e estaments corresponenti tà atier es demanes aciu expressades.



Francés X. Boya Alós

Val d'Aran, noveme de 2012